

Ingoa: _____ Rangi: ____/____/____

Nuku, Neke, Haere

nā Pine Dewes

Kahukura

“He pēwhea te haere a te ngata, e koro?”

“He pai nō te hanga o tōna tinana, e moko. He waewae māniana, tino māniana tōna.”

“He pēwhea te rere a te manu, e koro?”

“He pai nō te hanga o tōna tinana, e moko. He huruhuru māmā, he iwi māmā anō ōna.”

“He pēwhea te haere a te noke, e koro?”

“He pai nō te hanga o tōna tinana, e moko. He huruhuru pāpaku, he uaua anō ōna hei pana, hei tō, hei kukume i a ia.”

“He pēwhea te haere a te pūngāwerewere, e koro?”

“He pai nō te hanga o tōna tinana, e moko. He waewae maha, tino kamakama hoki ōna.”

“He pēwhea te haere a te kōura, e koro?”

“He pai nō te hanga o tōna tinana, e moko. He waero, he waero whai kaha anō tōna, me ngā parirau iti hei pōwaiwai mōna i ngā wai o te moana kia rere whakamuri ia!”

“He pēwhea te haere a te ika, e koro?”

“He pai nō te hanga o tōna tinana, e moko. He inohi, he paihau, he waero tonu tōna. He tinana korikori hei kauranga mōna i ngā wai o te moana.”

“He pēwhea tā tātou haere, e koro?”

“He pai nō te hanga o tō tinana, e moko. He ringa, he roro tino mārama tōu hei hanga i ngā mihini maha hei haere.”